

NZQA


Mana Tohu Mātauranga o Aotearoa
New Zealand Qualifications Authority



Kaveinga ki te peapa 'āpi'i tua-rua teitei NCEA

Kiribati

National Student Number (NSN):



A bane n toa ataein te reirei ma aia National Student Number ke aia nambwa man te reirei. E rang kakawaki bwa ko ata am nambwa, ao ko ata mwina ae ko kawakinna iai. E kona n tuangko ke n anganiko am NSN te tabo n reirei. Ko kabongana am nambwa aio ni karaoa am akaunti (account) iai n ana website te NZQA. Ko na bae ni kainanoa am akaunti ngkana ko karaoa am ukeuke ke am kamatebwai i aon te digital (digital assessments) ao ko kona naba n nora am bwi iai.



Ngkana ko na karaoa am akaunti (account) ke ko na kaukia (log in), nakon www.nzqa.govt.nz ao kotea (click) 'Login' n te koono n te angatai ma i eta.

Ngaahi Peesi 'oku hā ai

Uaiakinana	4
NCEA – baika a kakawaki	7
E kanga mwakurin te NCEA	11
Tuoakin am kekeiaki	16
Kinaki ao Boutokaki	20
Te Rinnako n te Kura ae e Rietata	23
Te New Zealand Scholarship	26
Rongorongō aika a kakawaki	29



Uaiakinana



Tera baika ko uaiakin ao ko iangoi?
Tera am mwakuri ae ko kan karaoia?
Ko kan maeka ao ni mwakuri i aon
Aotearoa Nutiran ke i aban tinaniku?

Tera ae ko kan reireiniko bwa e aonga n
reke te bwai ae ko uakinna? Ko kan karaoi
kanoan te reirei (subjects) aika a kaineti ma
baika ko kainanoi ngkai ko bon mena naba
n te reirei, n aron te Science, Technology,
te Maths ke te Numera ke te Toi Puoro? Ko
iangoa ae ko na reitanako am kamatebwai?



NCEA bon ibukia aomata ni kabane, e ngae ngkana ko kan karaoa te apprenticeship, ke ko kan reitanako am kamatebwai, ke ko nang katauraioiko nakon te mwakuri ngkana ko kitana te reirei.

E na iai te kaokoro ni boom n am mwakuri n taai aika a na roko ngkana e reke am NCEA. I nanon ruaiwa te ririki imwin kitanan te reirei, e na taboro mwaitin booia koraki

ake iai aia NCEA Level 2, nakoia koraki ake akea aia beba man te reirei.

Ngkana ko bon tiku n reitanako am reirei ni karekea te rinnako n te kura ae e rietata ke te University Entrance (UE) nanona e na kona riki n raka boom 25 te katebubua (25 percent), nakon ae ko kitana te reirei ma te NCEA Level 2.



NCEA – baika a kakawaki




E tei NCEA ibukin te **National Certificate of Educational Achievement**. Bon aia beba n rabakau ataein te kauarinan, ao iai rinanna aika Levels 1, 2 ao 3. E kinaki naba i aban tinaniku te NCEA.

Karinanna




NCEA Level 1

e na anganiko te konabwai ma te rabakau ae ko kona ni waaki ma iai.




NCEA Level 2

bon ngaia te beba n rabakau ae te kabanea ma i nano ae ko na kainanoia ibukin tabeua mwakuri ao burokuraem n taian reirei ake i aona (tertiary programmes).



NCEA Level 3

ngaia ae e na katauraioiko ibukin te rinnako n te mwakuri ke karekean beeba ibukin te mwakuri (vocational qualifications).



Ko na riai ni karekea te University Entrance (UE) award ibukin te rinnako n te university ke te kamatebwai i aon te degree level. Teuana te bwai ae e kainanoaki n te UE bon te NCEA Level 3.

Angiia ataein te reirei aika Year 11 a waaki moa man Level 1 n te NCEA, ao a waerake nakon Level 2 n Year 12 ao Level 3 n Year 13. Tabeua taabo n reirei a kabanea aia tai i aon Level 2 n year 11 ao 12.

Tiaki te bwai ae e boou te kamatebwai n taian level aika a kakaokoro, ma aio e bon nakon am burokuraem ae ko reiakinaki. N aron, ae ko kona ni karaoi taian kooti (courses) n Level 2, ma ko manga karaoi baika a boou n Level 1 ke ko karaoa am kooti ae bwain Level 3 ibukin ae ko kona ni karaoi.

Ko aki bae ni kabanea bwain teuana te level n te NCEA imwain ae ko manga mwakuria are imwina.

Bairean am kamatebwai

Ngkana ko aki koaua bwa tera taian kooti ae ko na riai n karaoi, reitaki maroro ma am tia reirei ke naake tabeia (deans), bwa a kona ni kaekai am titiraki ibukin te NCEA ao ni buokiko ni bairea kanoan am kamatebwai e aonga n reke te bwai ae ko uaiakinna.

I nanon am tai ni kekerake nakon level 2 ao 3, e na kona n iai mwiin taian kooti ake ko rinei i aon baika ko kona ni karaoi ngkana ko a kitana te reirei. Taian kooti aika a irekereke ma te Science, Technology, Engineering, ao te Mathematics (STEM), n ikotaki naba ma te English ao/ke Te Reo Māori, a buoka kaukan mataroa ibukin karekean mwakuri aika a bati ibukim.

E ngae ngkana ko aki iangoa te rin n te kura ae e rietata n aron te university, ko bon kona naba n karaoi teniua kanoan te reirei (subjects) aika a kona ni kabonganaki ibukin te University Entrance. Are nanona bwa te rinnako n te university e bon teimatoa ni kona n reke iroum ngkana ko manga bita am iango rimwi.

E kanga mwakurin te NCEA



Tera ae ko kainnanaoia ibukin te NCEA

Ibukin karekean te NCEA n 2024 ao 2025,
ko na kainanoi aikai:

NCEA Level 1

60 te Credit n Level 1

Te rabakau ni wareware
ao ni koroboki (Literacy)
ke Te Reo Matatini

10 te credit man te Literacy ae e boou ke ana karinan
(standard) Te Reo Matatini, ke man taian karinan ake
a tia ni kinaki ao ni kariaiakaki.

Te rabakau n te
warebwai ke te
numera (Numeracy)
ke Te Pāngarau

10 te credit man te Numeracy ae e boou ke ana karinan te
Te Pāngarau, ke man taian karinan ake a tia ni kariaiakaki.

NCEA Level 2

60 te Credit n Level 2

NCEA Level 3

60 te Credit n Level 3

Te rabakau ni wareware ao ni koroboki ao te rabakau n te warewai ke te numera (Literacy ao Numeracy) | Te Reo Matatini me Te Pāngarau

Ngkana ko na kanuanganaki ke n anganaki te NCEA, e na riai n reke iroum 10 te credit n te Literacy ke Te Reo Matatini ao 10 te credit n te Numeracy ke Te Pāngarau ni kaotia bwa ko kona ni kabongana ao n ata nanon te taetae, n ikotaki ma te numera ao tauan mwin waare. E kona naba n reke iroum taian credit ngkana a reke iroum karinan ake a tia ni kariaiakaki ibukin te literacy ao te numeracy ke karinan man te reo matatini me te pāngarau.

A kinaki credit aikai n araia ae te 'co-requisites' kioina bwa ko kainanoi irarikin ake bon oin am credits ibukin te NCEA.

E na rang bati angan reken taian credit aikai iroum i nanon reireim n te kauarinan, ao ngkana a bane n reke iroum, ngkanne e a reke iroum baika

a kainanoaki n ana levels te NCEA ake teniua ibukin te Literacy ao te Numeracy | Te Reo Matatini me te Pāngarau.

Ngkana a bane n reke iroum baika a kainanoaki aikai i nanon 2023 ke imwaina riki, ko aki manga bae ni karekei riki.

Mataku n te video aio n noria bwa e kanga aron mwakurin te NCEA: www.nzqa.govt.nz/ncea-video



Taian karinan (standards) ao credits

A bane n tuoaki taian kooti aika ko karaoi man taian karinan.

Taian karinan aikai a kaota kakaokoron te rabakau ma te konabwai n itera nako. Iai naba karinan aika a bon onoti ae e kinaki iai te rabakau n Māori (mātauranga Māori). Bon tabeia taabo n reirei ni bairei kooti aika a na karaoaki, ao karinan ra aika a na kona n tauraoi n taian kooti akanne.


E kona naba n reke iroum taian karinan rinanon tabeua baika ko karaoi i tinanikun te umwanreirei. N aron ae, a kona n reke karinan aikai iroum ngkana:

ko karaoa am beba ni kabuti ka


ko ira te kabo n te kapa haka ke te Polyfest

ko a tia ni karaoi taian mwakuri ke kamatebwai n tabeua burokuraem.

Iai taian credit n te karinan teuana ma teuana. Ngkana e reke iroum teuana te karinan, e na reke iroum te ikota n credit ibukin te karinan anne, ao taian credit akanne aika a warekaki nakon te NCEA.



Bon am tabo n reirei ae e na katebenakoi taian kooti ae e na reke iai te NCEA n Level 1, 2 ao 3.



Taian Kooti

E tuoaki am kekeiaki n am kooti ae ko karaoia nakon taian karinan.



Ngaahi Koosi

Ko e tu'unga kotoa pē 'oku 'i ai hono maaka pē kulētiti pau.

English

Ko na kaota am atatai bwa e kanga ni karaoaki tein taian taetae ma kabonganakia

91924

5 te credit

Ko na kaota am atatai i aon aron kamatebwaian taian koroboki aika a kakaokoro man onoti

91925

5 te credit

Ko na kaotinakoi am iango i aon te koroboki ni kabonganatan tein taian koroboki ma kakarabakau ke taetaenikawai aika a bati aekaia

91926


5 te credit

Ko na kaota am atatai i aon aekaki ni koroboki aika a aki bati ni kakabonganakia ke a aki rang ataki

91927

5 te credit

Tuoaikin am kekeiaki



Tuoakin am kekeiaki e nako man baika ko a tia n reiakinaki. Ko kona ni kaoti aikai n aanga aika a kakaokoro, n aron ae kabwarabwaran te koroboki, korean te karaki ke te essay ke karaoan am kakarabakau ke maroro (speech). E kona n tuoaki mwin am kekeiaki n bon am reirei ke i tinanikun am reirei (internally ke externally).



Tuoakin am kekeiaki ngkana a kaetaki

Tuoakin am kekeiaki ngkana a kaetaki am bwai n reirei irouia am tia reirei ni bon oin am reirei e aranaki bwa te internal assessment.

Tuoakin am kekeiaki ngkana a kaetaki

Tuoakin am kekeiaki ngkana a kaetaki am bwai n reirei irouia tabeman taan reirei i tinanikun am reirei, ae e baireaki iroun NZQA, e aranaki bwa te external assessment. Aio are kanoana naba taian ukeuke n tokin te ririki (n te digital ke bon i aon te beba), te Common Assessment Activities, ao tenan portfolios man am mwakuri ke te Kete Manarua aika a karaoaki n te reirei. Te external assessment e kona ni karaoaki i nanon te ririki ke n tain te ukeuke n tokin te ririki.

Taian bwi

Iai teniua aekakin karinan aika a rekereke ma karekean te NCEA: achievement standards, unit standards ao skill standards.

E kona n tuoaki am kekeiaki i aon te achievement standard n am reirei ke i tinanikun am reirei. E ti tuaoki am kekeiaki i aon te unit standard ao te skill standard ni bon am reirei.

Am bwi e na kaota am kekeiaki ngkana ko a tia ni karaoa te karinan.

Iai aua tein taian bwi ibukin te achievement standard bwa:

Not achieved (N) ibukin aki reken te karinan are e kantaningaki

Achieved (A) ibukin reken te karinan are e kantaningaki

Merit (M) ibukin reken te karinan are e kantaningaki ao n rang tamaroa mwina

Excellence (E) ibukin reken te karinan are e kantaningaki ao n rang rianako tamaroan mwina.

Tabesua taian unit standard ao skill standard a kona n anga taian bwi n aron N, A, M, ao E, ao n ake tabesua, e kona n reke iroum tao achieved (A) ke not achieved (N).

Taian ukeuke

E kakaraoaki te ukeuke n tokin te ririki ibukin te NCEA man Nobembwa. E kakaraoaki tain te ukeuke n taai ake e na bon reke iai am tai ni kaotia bwa e bati baika ko a tia n reiakin ke n reirei i aoia ke n reke rabakaum iai. Bwiin te ukeuke a otiotinako n nukan Tianuare, ao ko kona n nora bwiin am ukeuke ao n nora am beba n ukeuke aika a tia n kaetaki n ana website NZQA, ni kabonganan am login.

Angiia taabo n reirei a kabongana te PC ke te laptop ngkana e karaoaki te ukeuke i aon te digital NCEA. E teimatoa ni karaoaki te ukeuke n te digital n am reirei, i an ana tararua te NZQA. Ngkana ko na karaoa te ukeuke n te digital, e na reitaki ma ngkoe am tabo n reirei n taraia raoi bwa iai am device ae e kona ni katomaki, ao ko kona ni karaoi tabeua mwakuri ni kataneiaiko iai aron kamwakurana ke kamaeuana.

Tuoakin te kekeiaki ae iai kaakorona

Ngkana iai am kanganga ma te namakin ae e a riki bwa iriam, tein rabwatam, aorakim ke te kanganga ae e na totokoa arom n reiakinaki, e na tara n reke iroum te Special Assessment Conditions, (SAC).

Te ibuobuoki man SAC e kona n reke ibukin tuoakin am kekeiaki n am reirei ao i tinanikun am reirei (internal ao external assessments).

Ngkana iai am titiraki ibukin SAC, maroro ma am tia reirei.

Kinaki ao Boutokaki



Ngkana e teimatoa n raioiroi am kekeiaki, a kona am bwi ni 'endorsed'. Iai uoua tein te endorsement bwa: kinakin ao boutokakin te certificate (certificate endorsement) ao kinakin ao boutokakin te kooti (course endorsement).

Setifikeiti ki he ngaahi tu'unga kehekehe 'o e Faka'ilonga ako

Te certificate endorsement e kaota te bwi ke te kekeiaki ae e rang tamaroa n am kooti ni kabane aika ko a tia ni karaoi.

Ngkana ko karekea am credit ae 50 ke i aona ao a bane n Excellence n level 1, e na kinaki ao ni boutokaki (endorsed) am NCEA Level 1 ma te Excellence.

Ngkana ko karekea am credit ae 50 ke i aona ao a bane ni Merit (ke i aona riki) n level 1, e na kinaki ao ni boutokaki (endorsed) am NCEA Level 1 ma te Merit.

E na karaoaki naba aekakin aio ngkana ko mwakuri nakon Level 2 ke Level 3.

Taian credit man Level 2 a kona ni kabonganaki n endorse te certificate n te Level 1, ke taian credit man Level 3 a kona ni kabonganaki ibukin Level 1 ke 2.

E kona n riaon teuana te ririki karekean taian credit ibukin te NCEA certificate ae e kinaki ao e boutokaki.



Kinakin ao boutokakin te kooti

Te course endorsement e kinai taian kekeiaki aika a karaoaki n te kooti ae e bon onoti.

Ngkana ko na kanuanganaki ke n anganaki te endorsement n angiin taian kooti aika ko karaoi, ko kainanoa 14 te credit n te Achieved, Merit ke te Excellence n teuana am kooti ae ko karaoia i nanon teuana te ririki - teniua am credit ke i aona riki man te internal assessment ao teniua ke i aona riki man te external assessment.

N aron aei, ngkana ko kan karekea te Excellence endorsement n am kooti n te Cook Island Māori, ko na kainanoa 14 te Excellence credit ke i aona riki, ae teniua (3) ke i aona riki ae e na reke man te internal assessment ao teniua (3) ke i aona riki ae e na reke man te ukeuke n tokin te ririki.

Taian credit n te Excellence ke te Merit a kona ni warekaki nakon te Merit endorsement, ao a kona naba taian credit n te Excellence, Merit ke Achieved ni warekaki nakon Achieved endorsement.

Tiaki ni kabane taian kooti ae iai te endorsement nakoia – ongora taekana n am tabo n reirei.

Te Rinnako n te Kura ae e Rietata



Ko na kainanoa te University Entrance (UE) ngkana ko a bon kaineti naba nakon te university man am reirei. Kanuanganakim ke anganakim te University Entrance e bon kauki naba mataroa ibukin te kona ni kamatebwai ke n reirei n aba tabeua.

Ngkana ko na kanuanganaki ke n anganaki te UE man 2024, ko kainanoi baikai:

NCEA Level 3.

Kaka 14 te credit man teniua kanoan te reirei (subjects) aika a tia n kariaiakaki n Level 3.

UE Literacy – 10 te credit n Level 2 ke i aona (5 n te wareware, 5 n te koroboki) ni karinan aika a onoti (specified standards).

UE Numeracy – 10 te credit n Level 1 ke i aona ni karinan aika a onoti (specified standards).



Reitaki ma am tabo n reirei ni kamatoa bwa ko karaoi teniua taian subject aika a kariaiakaki ibukin te rinnako n te University (UE) ao ko kona ni karekei baika a kainanoaki (requirements) n te rabakau ni wareware ao ni koroboki ao te rabakau n te warebwai ke te numera ibukin te UE (UE literacy and numeracy). A kona n reke taekan baika a kainanoaki ibukin te UE n www.nzqa.govt.nz/university-entrance

E kakaraoaki te anga kanuanga ibukin te University Entrance n Tianuare.

Bon iai baika a kainanoi taian kura aika a rietata ke universities ibukin te rinnako ni karaokin taian burokuraem. Reitaki ma te university ae ko kan rin iai n ongora baika a kainanoi. Angiia taian university a kakainanoa mwin ke am bwi n Level 2 ngkana a na karaoa aia babaire.

Kabonganan NCEA i tinanikun Nutiran

E kauka te mataroa te NCEA nakon te kamatebwai ke te reirei ni kuura aika a rietata i tinanikun Nutiran, ma iai baika a kakawaki aika ko riai n atai.

Taraia raoi bwa tera baika a na kainanoaki n te aba are ko kan karaoa iai am kamatebwai ke am reirei. N tabeua aaba ao iai aekakin mwaitin taian bwi (credits) aika a kainanoaki n Level 3, ao ko na bae naba ni kaotia ae ko a tia ni karaoi tabeua taian subject aika a onoti.

Ngkana ko kabaea aram bwa ko na kamatebwai ke n reirei i Aotiteria, kataia karekei am bwi ni kabane aika tenan excellence ke merit n Level 3 n taian subject aika a kinaki ibukin te rin n te kuura ae e rietata (University Entrance). Ko kainanoa te University Entrance ao am bwi naba ae e bubura n te ATAR (Australian Tertiary Admission Rank). Te NZQA e karaoi ao ni kaotinakoi taian bwi n te ATAR ibukia ataein te reirei n Tianuare ni katoa ririki.

Akea te Ro

Ngkana ko iangoa reireim n te trade ke kura ake i aona riki (tertiary study), e kona n reke iroum te 'akea n ro' n tabeua kamatebwai aika ko na karaoi.

Ibukin rongorongona riki, reitaki ma am reirei ke noria i aon www.feesfree.govt.nz



Te New Zealand Scholarship



Ngkana iai am subject ae ko rang tatangiria, ke te ataei ngkoe ae e rang rianako tamaroan am kekeiaki ao ni kan kata riki are i aona, reitaki ma am tabo n reirei ibukin karekean te New Zealand Scholarship.

Te New Zealand Scholarship e kinaia ataei n te reirei aika a rang rianako tamaroan aia kekeiaki n te subject teuana ma teuana. Ataei n te reirei aika a reke irouia te Scholarship n teuana te subject ke i aona riki, e na reke irouia te kanuanga ae te mwane.

Ataei n te reirei aika a reke irouia te Top Subject Scholar ke te Premier Scholar Awards a na kinaki naba n tain ana bukamaru te NZQA's Top Scholar Awards.

E kaokoro aron karaoan aia karinrin te NCEA ao te New Zealand Scholarship ao a kaokoro naba aron rinanoaia. E kaokoro te New Zealand Scholarship ma taian scholarship ae a anganako taian komuniti, bitineti, iwi ke reirei ake i aona (tertiary providers).

E a tibwa manga karinaki te Te Ao Haka bwa teuana te subject ibukin te New Zealand Scholarship, ao man 2025, te Psychology ao te Digital Technologies a na manga tauraoi n rin bwa ana subjects naba te New Zealand Scholarship.




Rongorongon taian subject aika a tauraoi ibukin te New Zealand Scholarship ao aron mwakurina a bane n kona n reke n ana website NZQA ae:

www.nzqa.govt.nz/nzs

Taian kawai ibukin karekean te mwakuri

Te Vocational Pathways e kaota kakawakin am kamatebwai n te aonaba; ao e kona n buokiko nakon taian kataneiai (training) ao kamwakuri (employment).



Iai onoua aekakin nako te Vocational Pathways bwa:

te Construction and Infrastructure

te Creative Industries

te Manufacturing and Technology

te Primary Industries

te Service Industries

te Social and Community Services.

Te Vocational Pathways Award e kinai baika ko a tia ni karaoi aika kanoan ana pathway.

Te Anga Kanuanga e kaotia bwa am reirei ke rabakaum e irekerekere ma te konabwai ae a kakaea ke a kainanoia taan kamwakuri, ao e kona n reke kanuagam n taian pathway ake ko a tia ni karaoi.



Rongorongon riki te Vocational Pathways a kona n reke n ana website te NZQA ae:

www.nzqa.govt.nz/pathways

Rongorongo aika a kakawaki



New Zealand Qualifications Authority

www.nzqa.govt.nz

0800 697 296

Rongorongo i aon NCEA n iкотaki ma:
rongorongon kanoan te reirei (subject information)

baika a kakawaki ibukin kanoan te reirei
(subject resources)

tain te ukeuke (examination timetables)

rongorongon kanoan te reirei ni Māori ao baika a
kakawaki ibukin te reirei (field Māori information
and resources)

Rongorongon te rin n te kura ae e rietata
ke te University (University Entrance).

Ministry of Education

ncea.education.govt.nz

www.education.govt.nz

04 463 8000

Rongorongon ke taekan te reirei i Nutiran,
bairean kanoan te reirei (the national
curricula), taian bitaki nakon te NCEA,
karinan aika a boou, te rabakau ni
wareware ao ni koroboki (literacy) ao
te rabakau n te warewai ke te numera
(numeracy), ao bwaai ni mwakuri aika a
na boutokaia taan reirei ao taabo n reirei.

Akea te Ro

www.feesfree.govt.nz

0800 601 301

Noria ngkana e kona n reke iroum ae ko
reirei ke ko kamatebwai ke ko kataneiai
ao akea room.

Te Kantanunga ibukia te Roronirikirake

www.youthguarantee.net.nz

vocational.pathways@education.govt.nz

04 463 8000

Rongorongo ibukin angaraoin
te Vocational Pathways.

Careers.govt.nz

www.careers.govt.nz

0800 601 301

Noori 400+ job profiles

Karekea am iango ke otam i aon taian
mwakuri ao korean te CV

Mamataku i aon aanga n reirei ao kataneiai.

Reitaki nakoira

Phone: 0800 697 296

Website:

www.nzqa.govt.nz

Email:

helpdesk@nzqa.govt.nz

Facebook:

www.facebook.com/nzqaofficial

Instagram:

www.instagram.com/nzqa.official

X:

www.x.com/nzqaofficial


Kiribati version

Published February 2024

Several images in this document are property of ASB
Polyfest. Credit: Ben Campbell & Thomas Wandstraat

NZQA

Mana Tohu Mātauranga o Aotearoa
New Zealand Qualifications Authority



www.nzqa.govt.nz